

Na osnovu člana 143. Zakona o srednjem obrazovanju ("Sl. Novine Kantona Sarajevo", br. 23/17), a u vezi sa članom 14. Instrukcije za donošenje pravilnika o kriterijima za sticanje i raspodjelu vlastitih prihoda budžetskih korisnika - predškolskih ustanova, osnovnih i srednjih škola i domova učenika (broj:11-01-14-32424/17 od 02.11.2017.godine), Školski odbor JU Srednje škole za tekstil, kožu i dizajn Sarajevo, na sjednici održanoj u _____. godine u sjedištu Škole, d o n o s i

P R A V I L N I K
O STICANJU I RASPODJELI VLASTITIH PRIHODA
JU Srednje škole za tekstil, kožu i dizajn Sarajevo

I - OPĆE ODREDBE

Član 1.
(Predmet pravilnika)

Pravilnikom o sticanju i raspodjeli vlastitih prihoda Srednje škole za tekstil, kožu i dizajn Sarajevo (u daljem tekstu: Pravilnik) utvrđuju se vrste, osnov sticanja, visina naknade i raspodjele vlastitih prihoda Srednje škole za tekstil, kožu i dizajn Sarajevo (u daljem tekstu: Škola).

Član 2.
(Pojam vlastitih prihoda)

(1) Pod vlastitim приходima podrazumijevaju se prihodi koje Škola ostvari obavljanjem osnovne djelatnosti i ostalih poslova na tržištu.

(2) Pod vlastitim приходima ne podrazumijevaju se prihodi koje Škola ostvari obavljajući osnovnu djelatnost propisanu zakonima ili drugim propisima o osnivanju, za koju je propisima utvrđena visina naknade za usluge koje pruža pravnim i fizičkim licima, kao ni prihodi ostvareni u internom poslovanju između budžetskih korisnika na istom nivou vlasti.

Član 3.
(Vlastiti prihodi)

Vlastiti prihodi Škole su javni prihodi Budžeta Kantona Sarajevo, a raspoređuju se u skladu sa Instrukcijom za donošenje pravilnika o kriterijima za sticanje i raspodjelu vlastitih prihoda budžetskih korisnika - predškolskih ustanova, osnovnih i srednjih škola i domova učenika, broj: 11-01-14-32424/17 od 01.11.2017. godine (u daljem tekstu: Instrukcija).

Član 4.
(Način uplate i evidentiranje)

(1) Prihodi iz člana 2. stav 1. ovog Pravilnika uplaćuju se na depozitni račun Budžeta Kantona Sarajevo.

Član 5.
(Uplata i evidentiranje vlastitih prihoda)

Uplata i evidentiranje vlastitih prihoda vrši se u skladu sa članom 4. Uredbe o utvrđivanju vlastitih prihoda, načina i rokova raspodjele ("Službene novine Kantona Sarajevo", broj: 51/16).

II - STICANJE VLASTITIH PRIHODA

Član 6.
(Osnove za sticanje vlastitih prihoda)

Škola stiče prihode po osnovu:

- a) organizacije pripremne i instruktivne nastave;
- b) izdavanja prepisa/duplikata dokumenata
- c) participacije u troškovima školovanja (naknada za osiguranje učenika, nabavku zadaćnica, učeničkih knjižica, kopiranje, upotreba biblioteke, posjeta pozorištu, kinu i dr.);
- d) prodaja otpadnog materijala
- e) prodaja proizvoda i usluga koje izrađuju učenici u toku praktične nastave
- f) reklamno-propagandnih usluga
- g) ustupanje tenderske dokumentacije u postupku javnih nabavki
- h) iznajmljivanja prostora u zakup

Član 7.
(Naknada za realizaciju usluga)

(1) Naknada za realizaciju usluga iz prethodnog člana ovog Pravilnika utvrđuje se kako slijedi:

- a) Instuktivna nastava za grupu od 10 i više kandidata (po času).....4,00 KM**
- b) Instuktivna nastava za grupu do 10 i više kandidata (po času).....8,00 KM**
- c) Izdavanje prepisa/duplikata dokumenta:**
 - Izdavanje prepisa/duplikata svjedodžbe/diplome20,00 KM
 - Izdavanje izvoda iz nastavnog plana i programa.....60,00 KM
- d) Participacija u troškovima školovanja:** u skladu sa Instrukcijom kojom se definiše

visina participacije u troškovima školovanja za učenike srednjih škola kao Javnih ustanova na području Kantona Sarajevo, koju donosi Ministar za obrazovanje, nauku i mlade Kantona Sarajevo.

e) Izdavanje prostora u zakup: Izdavanje prostora u zakup, kao i visina naknade za zakupninu utvrđuje Školski odbor škole, a u skladu sa Zakonom i podzakonskim aktima kojima se reguliše izdavanje poslovnih zgrada i prostorija.

Član 8.
(Visina naknada za realizaciju ostalih usluga)

Visina naknade za usluge koje Škola realizuje, a koje nisu obuhvaćene članom 6. i 7.ovog Pravilnika utvrđuje Školski odbor Škole.

III - RASPODJELA VLASTITIH PRIHODA

Član 9.
(Raspodjela stečenih vlastitih prihoda)

Ostvareni vlastiti prihodi u cjelosti rapoređuje Škola koja je i ostvarila prihod.

Član 10.
(Način raspodjele vlastitih prihoda)

(1) Prihodi iz člana 5. stav (1), tačka a) ovog Pravilnika (organizacija i realizacija pripremne i instruktivne nastave), raspoređuje se:

a) **15,00 KM** naknade za jedan čas nastavniku koji izvodi pripremnu i instruktivnu nastavu,

b) ostatak prihoda dijeli se na sljedeći način:

1. 20 % za naknade ostalim uposlenicima izvan nastave koji sudjeluju u realizaciji poslova i to:

- direktor	5,0 %,
- pomoćnik direktora/voditelj vanrednog obrazovanja	3,0 %,
- sekretar	2,5 %,
- samostalni referent za plan i analizu	2,5 %,
- administrativni radnik	2,0 %,
- ostalo osoblje (domar, ložač, kurir i spremačice)	4,0 %
- rukovalac nastavnom tehnikom– programer (EMIS)	1,0 %
2. 40% za materijalne troškove, tekuće održavanje i nabavku opreme,
3. 40 % za stručno usavršavanje, sportske i kulturne aktivnosti, takmičenja nagrade učenicima i ostale namjene

(2) Prihodi od izdavanja prepisa/duplikata dokumenata i nastavnih planova i programa raspoređuju se na sljedeći način:

- a) 40 % za materijalne troškove, tekuće održavanje i nabavku opreme,
- b) 30 % za naknadu radnicima koji su sudjelovali u realizaciji poslova,
 - direktor - 45 %,
 - sekretar - 45 %,
 - samostalni referent - 10 %.
- c) 30% za stručno usavršavanje, sportske i kulturne aktivnosti , takmičenja , nagrade učenicima i ostale namjene.

(3) Prihodi od participacije u troškovima školovanja raspoređuju se u skladu sa

Instrukcijom kojom se definiše visina participacije u troškovima školovanja za učenike srednjih škola kao javnih ustanova na području Kantona Sarajevo, koju donosi ministar za obrazovanje, nauku i mlade Kantona Sarajevo.

Prihodi iz člana 10, stav 3, ovog Pravilnika (participacija u troškovima školovanja) raspoređuje se za:

- osiguranje učenika,
- nabavku zadržnica za učenike,
- fotokopiranje nastavnog materijala,
- upotreba biblioteke,
- organizovanje posjete pozorištu, kinu i drugo,
- ostalo (dodatne nastavne materijale, nabavka materijala za praktičnu nastavu i sl).

(4) Prihodi od prodaje otpadnog materijala i prodaje proizvoda i usluga koje izrađuju učenici u toku praktične nastave

raspoređuju se na sljedeći način:

- a) 20 % za materijalne troškove, tekuće održavanje i nabavku opreme,
- b) 80 % za stručno usavršavanje, sportske i kulturne aktivnosti ,takmičenja, nagrade učenicima i ostale namjene.

(5) Prihodi od reklamno - propagandnih usluga, izdavanja prostora u zakup i ustupanja tenderske dokumentacije u postupku javnih nabavki raspoređuju se na sljedeći način:

- a) 70 % za materijalne troškove, tekuće održavanje i nabavku opreme,
- b) 30 % za stručno usavršavanje, sportske i kulturne aktivnosti, takmičenja , nagrade učenicima, ekskurzije i ostale namjene

(6) Prihodi koje Škola ostvari po osnovu realizacije kurseva, raspoređuju se Školi, kako slijedi:

- 40% za materijalne troškove, tekuće održavanje i nabavku opreme
- 30% od cijene za naknadu predavaču/članovima ispitne komisije
- 20% za stručno usavršavanje i ostale aktivnosti.
- 3% direktor
- 3% samostalni referent za plan i analizu
- 3% sekretar
- 1 % spremačice

(7) Odluku o korištenju vlastitih prihoda za ostale namjene donosi Školski odbor na prijedlog direktora Škole.

Član 11.
(Korištenje vlastitih prihoda za plaće)

- (1) Škola koristi vlastite prihode za plaće i naknade radnicima u slučaju da stiče sredstava po osnovu tačkaka a) i b) , iz člana 6. Ovog Pravilnika
- (2) U drugim slučajevima Škola prihode za plaće koristi samo u izuzetnim slučajevima uz saglasnost Ministarstva za obrazovanje, nauku i mlade KS.

IV- PRAĆENJE NAPLATE I RASPOREĐIVANJE VLASTITIH PRIHODA

Član 12.
(Praćenje naplate i raspoređivanje vlastitih prihoda)

- a) Škola je dužna da redovno prati, putem izvještaja koje dobije od Ministarstva finansija, dospelost i naplatu vlastitih prihoda.
- b) Škola je odgovorna za potpuno i pravovremeno uplaćivanje vlastitih prihoda na depozitni račun.
- c) Škola je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršenja Budžeta.

V- KONTROLA UTROŠKA VLASTITIH PRIHODA

Član 13.
(Izvještaj o utrošku)

Škola najmanje jedanput u šest mjeseci Ministarstvu za odgoj i obrazovanje Kantona Sarajevo dostavlja izvještaj o sticanju i utrošku vlastitih prihoda.

VI - ZAVRŠNE ODREDBE

Član 14.
(Saglasnost na ovaj pravilnik)

Pravilnik donosi Školski odbor uz mišljenje i saglasnost Ministarstva finansija Kantona Sarajevo i Ministarstva za odgoj i obrazovanje Kantona Sarajevo.

Član 15.
(Izmjene i dopune Pravilnika)

Izmjene i dopune ovog Pravilnika vrše se na način i po postupku predviđenom za njegovo donošenje.

Član 16.
(Stupanje na snagu Pravilnika)

- (1) Stupanjem na snagu ovog pravilnika prestaje da važi Pravilnik o kriterijima za sticanje i raspodjelu vlastitih prihoda Srednje škole za tekstil, kožu i dizajn (dj.broj 01- 1910/17 od 25.12.2017)
- (2) Ovaj Pravilnik stupa na snagu danom dobijanja saglasnosti Ministarstva za odgoj i obrazovanje Kantona Sarajevo I Ministarstva finansija Kantona Sarajevo.

PREDSJEDNIK
ŠKOLSKOG ODBORA

Hasib Gabelić

Dj.br:
Datum: .godine

Na ovaj Pravilnik Ministarstvo finansija Kantona Sarajevo je dalo mišljenje broj: _____ od _____ 2022, a Ministarstvo za odgoj i obrazovanje Kantona Sarajevo je dalo saglasnost broj: _____ od _____ 2022 . godine.